

佛說大孔雀明王畫像壇場儀軌

真善寺三藏沙門大廣智不空奉

詔譯

佛告阿難陀若諸世間所有災禍逼惱刀兵
饑饉亢旱疾疫四百病憂惱鬪諍及八萬
四千鬼魅燒惱有情所求世間出世間勝願
多有障礙者皆由無始已來貪愛無明虛妄

分別三毒煩惱不了實相積集不善感招如
是種種災難阿難陀是故我今為彼讀誦佛
母大孔雀明王經者及一切災厄衆生復說
畫像法及建立道場供養儀軌若依此法轉
讀是經一切災難皆得消除所有願求隨意
滿足阿難陀若有苦惱災難起時或彼國王

及諸王子大臣妃后及苾芻苾芻尼善男子
善女人等為除災故或於王宮或於勝地或
於清淨伽藍或隨本所居宅舍依法淨地掘
深一肘除去瓦礫地中穢物填滿淨土築令
平正其土本淨卻用填之若土有餘其地殊
勝應泥拭清淨建立道場作五肘方壇高四

指量三重布位或以彩畫或用五色粉或於
內院中畫八葉蓮華於蓮華上畫佛母大孔
雀明王菩薩頭向東方白色著白繒輕衣頭
冠纓絡耳璫臂釧種種莊嚴乘金色孔雀王
結加趺坐白蓮華上或青蓮華上住慈悲相
有四臂右邊第一手執開敷蓮華第二手持

密九

力

俱緣果其果狀似木栴左邊第一手當心掌持吉祥果
如桃李形第二手執三五莖孔雀尾從佛母
右邊左旋周匝蓮華葉上畫七佛世尊從微
鉢尸如來乃至釋迦及慈氏菩薩等皆頭向
外坐各住定相至西北角第八葉上畫慈氏
菩薩左手執軍持右手揚掌向外作施無畏

勢又於蓮華葉外內院四方畫四辟支佛皆
作佛形頂有肉髻亦住定相又於四隅畫四
大聲聞從東北隅畫阿難陀次東南隅畫羅
睺羅次西南隅畫舍利弗次西北隅畫大目
乾連皆著乾陀袈裟偏袒右臂此皆中院次
第二院畫八方天王并諸眷屬東方畫帝釋

天王執金剛杵與諸天衆圍遶次東南方畫
火天左手執軍持右手施無畏與五通苦行
仙衆圍遶次南方畫燄摩天王執燄摩幢與
燄摩鬼衆圍遶次西南方畫羅刹主執刀與
諸羅刹衆圍遶次西方畫水天持胃索與諸
龍衆圍遶次西北方畫風天王執幢幡與諸

持明仙衆圍遶次北方畫多聞天王執寶棒
與諸藥叉衆圍遶次東北方畫伊舍那天執
三戟叉與諸步多鬼衆圍遶此皆第二院次
第三院從東北隅右旋周匝畫二十八天藥
叉將各與諸鬼神衆圍遶及畫宿曜十二宮
神次第三院外周匝用香泥塗拭布以荷葉

葉上安置供養食器所謂乳糜酪飴飲食果
子等皆以阿波羅亦多明王真言加持香水
散灑布列四邊供養及以諸漿砂糖石蜜石
榴蜜漿等而奉獻之壇上散白色華於四角
置蘇燈四盞四門各置二淨器滿盛香水於
壇東安佛母大孔雀明王像其畫像法如前

畫壇唯不安界道即是中院聖衆燒沈香和
香等供養東方天衆應燒白膠香而為供養
南方天衆以紫鑛芥子及鹽相和燒之供養
西方天衆以蘇和安悉香燒之供養北方天
衆應燒薰陸香而供養之持誦者於壇西敷
茅薦為坐或坐屝脚床子嚴飾經案置於壇

密方

十

前以諸香華供養經卷應如是布列轉讀經
者可三五人乃至七人更替相續晝夜不令
經聲間斷要在絕語言除數內一人明閑教
法呪師指搗取與祇對作法結印啓請賢聖
餘人但當至心讀經唯在徧數多殷重發願
依三十七尊禮懺三時或六時其道場或一

日或二日三日乃至七日一切災禍悉皆殞
滅除不至心轉經者或在家或是出家人每
日澡浴清淨著新淨衣初起首時對道場前
虔誠一心禮諸聖衆先以印契真言依教請
召一切佛菩薩及諸天衆如法供養說所求
事殷勤啓告願垂加護普為一切苦難衆生

廣發大願然後結加趺坐以塗香塗手先結
三昧耶印二手右押左外相义作拳直豎二
中指頭相柱即成結印當心誦三昧耶真言
七徧真言曰
唵引三去麼上野娑怛鑊三
即以此印加持自身四處所謂心額喉頂頂

上散印

次結金剛鉤菩薩印准前三昧耶印以二頭
指屈如鉤向身招不間斷誦真言七徧普召
諸佛菩薩諸天鬼神一切聖眾真言曰
唵引縛日朗囉矩尸一阿引羯種茶三微羯
茶娑縛囉密九

由結此印誦真言請召一切聖眾不違本誓
皆來赴集

次結阿波羅令多明王印用結地界結方隅
界二手右押左內相义直豎二中指頭相柱
即以印頂上右旋三匝隨心遠近便成結界
誦七徧真言曰

唵引帝魯帝魯二戰拏里三摩蹬岐四娑縛
引囉訶五
次結普供養一切聖眾印二手右押左相义
合掌十指互交上節即成結印當心誦七徧
頂上散印真言曰
曩莫三蒲多勃馱南一薩縛佗二引欠三平唄娜

婁合帝四娑頰合囉四
引囉訶七
養

由結此印及誦真言能於一一佛菩薩諸聖
眾前及於無量諸佛刹土成辦一切廣大供
養
次結佛母大孔雀明王印二手右押
左內相义二大指二小指各直豎頭相柱即

成結印當心誦真言七徧如上以印加持四
處頂上散印真言曰

唵引麼庾引囉引訖蘭囉帝娑縛囉訶三
次捧香爐奉獻啓請告聖眾說所求事如是
依法請召供養已然後起悲愍心為拔濟眾
生苦難故轉讀此經每日中前換諸供物應

結阿波羅亦多明王印誦本真言以印頂上
左旋一帀暫解其界換供養已即如前次第
再迎請結界如是依教供養轉讀此經所有
災難亢旱疾疫鬼魅厭禱惡毒災難障種種
苦難必得除滅所有祈願無不遂心我已廣
說畫像壇場供養儀軌竟若不辨如是塗畫

壇場或有急速災難至可隨自力分於一淨
處以瞿摩夷塗地作一肘方壇隨其大小磨
白檀香塗作圓壇九位中安佛像及以三五
莖孔雀尾豎於壇上隨時燒香散華乳糜酪
等供養聖衆但虔誠一心轉讀此經或一徧
或三徧乃至七徧或一日或二日一切厄難

密九

士

悉得銷除所有祈願皆得圓滿爾時阿難陀
聞佛世尊爲當來世一切苦難有情說此讀
誦大孔雀明王經法頂戴受持禮佛而退

佛說大孔雀明王畫像壇場儀軌